

欽定四庫全書  
欽定四庫全書  
欽定四庫全書

周學熙題



趙文毅先生青藜

附子良壽

先生名青藜字然乙號星閣涇人生而穎異九歲能文乾隆元年舉會試第一選庶吉士授編修改御史在臺五年有直聲能持大體不爲激切語章凡數十上如清屯田以歸運丁弛米禁以濟民食請耗羨歸公興西北水利等疏皆有闢生民利病又劾總督高斌侍郎周學健奏開捐納謂此風一行將見言利之徒接踵而起爲害甚大上嘉其有見其合糾協揆維新等奪情議尤侃侃沈侍郎德潛時舉諫垣著望者爲五君子詠先生與焉十三年奉命察賑山東還朝以耳疾乞休後

皖學編

卷十二 國朝

一

高宗南巡伏迓道左蒙 存問者再生平以不欺爲本接人外和而內嚴不可干以私訓迪後學甚衆爲古文受義法於方望溪風格似之望溪稱及門有所祈嚮而可信其操行之終不迷者惟先生爲最涇之前輩爲學皆主姚江先生獨誦法程朱作正論八篇大旨謂心所知者義理至於愛敬之節禮樂之度名物象數之繁雖聖人不能逸獲其言至明著有漱芳居文集十六卷詩集三十二卷詩鈔檢存二卷其學尤長於史所作史論一卷有特識讀左管窺二卷於二百四十二年事實穿穴甚深卒年八十有二門人私謚曰文毅先生子良壽號肖嚴幼讀父書篤於行

誼與弟良霽侍父家居不離左右年五十餘始舉乾隆六十年進士授內閣中書典嘉慶戊午廣東鄉試復命卽乞休董文敏公誥堅留之不得謂人曰趙君學者去可惜也旣歸杜門著書有讀易經一卷讀詩經四卷讀禮記十二卷讀春秋二卷肖嚴詩鈔十二卷文鈔四卷卒年七十四

皖學編

卷十二

國朝

二

卷讀春秋二卷肖嚴詩鈔十二卷文鈔四卷卒年七十四  
國朝  
二  
雨與策實靈卦父來居不離去亦年正十始故舉諸卷六

趙易門先生繼序

先生名繼序字芝生號易門休甯人乾隆六年舉人嘗在  
邑勘定休甯鄉賢冊見汰程峩山瞳名甚訝之上書邑令  
謂峩山爲前明理學名儒所著閑闢錄新安學繫錄力排  
陽儒陰釋之學有功於朱子甚大不當去遂息汰議數會  
講於紫陽還古兩書院又主江西白鷺洲直隸篤亭講席  
一事一言必折衷於聖人之經以窮理盡性爲宗旨躬行  
實踐爲功修陶淑人材稱爲極盛著有周易圖書質疑二  
十四卷以象數言易不主陳邵河洛之說首爲古經十三  
篇次逐詮釋經義而不載經文但標卦爻蓋用經傳別行  
皖學編卷十二 國朝 三

之古例爲圖三十有二爲說五詁經多從卦變取象並採  
漢宋之說無所偏主持論至爲平允其書經皖撫進呈著  
錄四庫嘗言訓詁制度義理皆儒者所當研究每因精力  
不及分門別類各據偏長遂相刺謗承學者不知其方則  
云漢宋異學其弊日甚乃著漢儒傳經記又言六經非一  
世之書非一家之學非一人之解誠如班氏言與天地爲  
終始者自洛閩中興上承道統其學視漢儒爲優至 國  
朝 御纂七經既主程朱蔡胡又必上採漢唐下暨元明  
備衆義爲叅考學者須求先聖作經之精蘊考先賢述經  
之源流有不易之義不敢苟爲異有日新之義亦不敢苟

爲同條分縷析廣續發明雖累千百載尙未有旣也乃著  
歷代崇經記次撰孔門弟子考又著經說史論及詩古文  
若干卷卒後附祀紫陽書院

皖學編卷十一 國朝

四



若干卷卒後附祀紫陽書院

若干卷卒後附祀紫陽書院

先生名範字南青號薑塢桐城人孝友好學與同里方待廬澤葉華南酉劉海峯大樾友善約十年不下樓爲舉世不好之文故沈潛經史幽邃古澹邈然得古人不傳之義成乾隆七年進士選庶吉士授編修充三禮館纂修是時同邑張氏鼎盛簪紱相望先生獨行自高無所依附在翰林不十年致仕歸往來天津揚州主講席晚歲家居不出常以爲文章關乎世運學術繫乎風俗人心元明以來士大夫崇尚義理氣節俱以宋儒爲依歸風趨正矣其敝也師心臆說人以程朱陸王自負非失之拘墟則漸於恣肆

皖學編

卷十二

國朝

五

一二好古之士沈潛廣博專意名物訓詁功力勤矣其蔽也逐末忘本日以著述求名反置倫常日用爲輕身心性命不復知爲何物二者交譏流弊至無所歸其論至爲深切故先生之學考証與義理兼進自經史百家天文地理以及小學訓詁無不精通條貫而踐履純粹一以程朱爲宗律已甚嚴雖盛暑未嘗一日去冠帶與人和易不爲峻絕人見之自無敢怠者有所問難必徹始末告之解書數典不事披尋舉誦如流藏書十餘萬卷皆手自論訂著所見於卷端經史子集丹黃雜下詞繁者裁短幅紙書之輯爲筆記四十六卷又有援鶉堂詩集六卷文集七卷行世

學者稱薑塢先生方澤字芷川號待廬博學工詩古文少  
與薑塢及葉華南等號龍眠十子又與沈歸愚德潛等稱  
江左十子又與秦修撰大士王學士鳴盛結秦淮文匯合  
兩江士子凡五百餘人聲名藉甚晚年始以優貢教習選  
知縣不就姚姬傳勸嘗從受業有詩古文集行世葉酉字  
書山號華南乾隆四年進士以編修游升庶子視學貴州  
裁汰新進陋規士林頌之著有春秋究遺詩經拾遺易經  
補義行世劉大櫨自有傳

皖學編卷十一 國朝

劉海峯先生大櫬 附吳直

先生名大櫬字耕甫一字才甫號海峯桐城人少受業於  
同里吳生甫故學有淵源湛深經術百氏之書無所不讀  
而尤工於詩古文吳縣吳閣學士玉言見奇之與訂交借  
遊京師當康熙末方望溪苞文名冠海內先生以布衣持  
所業爲贄方大驚異語人曰如苞何足言同里劉生大櫬  
乃今世韓歐才也自是天下皆聞劉海峯然試輒不遇兩  
中順天副榜乾隆元年召試鴻博十五年以經學薦皆  
報罷京朝官提督學政者率聘之校文因歷天下佳山水  
爲歌詩自發其意晚官黟縣教諭數年告歸卒年八十有  
七

晚學編 卷十二 國朝

七

二先生爲文才雄氣盛兼集莊騷左史韓柳歐蘇之長雖  
遊望溪之門而不爲望溪所域至其議論精卓義理名通  
又與望溪各極其勝乾嘉間學爲文者咸宗之詩亦雄深  
奧衍不拘一體爲文名所掩著有海峯詩文集八卷姚姬  
傳鼐實從其游文家遂有桐城派之目吳生甫名直乾隆  
元年舉人潛心義理之學著有四書雜辨五卷學庸釋義  
六卷皆辨明諸儒之說不合於朱子者又有經義藥石四  
卷學庸附贅書二卷詩文集凡六卷

桂坤三先生含章

先生名含章字鑑亭號坤三石埭人乾隆二十三年歲貢  
候選訓導性篤孝自幼出繼胞叔爲嗣事嗣父母如本生  
父母皆務得歡心嘗應拔萃科學使夙重先生學行已擬  
入選適試期前一夕本生母訃至同人咸謂降服非三年  
憂可比勸以試畢治喪先生大戚曰安有抱終天之恨而  
尙苟進干名者乎急馳歸乾隆元年 詔舉鴻博學使又  
擬以先生應命將特疏薦引疾力辭年二十五妻張氏卒  
因生有二子遂不復娶一以著述爲己任其學始博終約  
以六經爲淵海儒先傳注爲津梁而主敬窮理則一本程

皖學編

卷十二 國朝

八

朱故雙學使特錫以步武程朱匾額惟僻處鄉隅每以有  
疑義無從質證爲憾慨然負笈遠出冀當時賢士大夫有  
如孫夏峯顧亭林其人者得以就正舟次太平郡守某宿  
儒也亦久耳先生名延之廨中朔望會講剖晰源流始終  
不懈一時遠近學者爭師之厯主旌德鳧山書院涇縣琴  
川書院講席本邑士紳以先生出游久里巷之儒無所考  
德而問業公議迎歸主講長林書院近二十年後進多所  
成就先生遇諸生如家人有貧乏不能自存者嘗分金周  
卹之值歲禮諸生或饗殮不給先生金已盡將以衣質典  
庫助施及夜失去先生曰所失何足介意第苦我同志耳

竊者聞之盡以送還其積誠感人類如此晚年尤嚴禮法  
雖獨處未嘗不整衣冠對僕隸無疾言遽色孝友之性老  
而彌篤祭必敬喪必哀忌日不聽音樂家庭骨肉間必雍  
以睦杖履所至雖婦人孺子莫不知爲城西桂夫子隱居  
教授不求聞達終其身年九十三卒祀鄉賢祠先生著書  
甚富四書辨疑學庸淺解左傳細評並詩賦文集自粵匪  
竄江南均燬於兵燹僅存者春秋比事參義十六卷四書  
益智錄二十卷左傳類纂二卷刊行世

皖學編

卷十一 國朝

九

鄧虞在先生曰政

先生名曰政字虞在霍山人乾隆間恩貢生少穎敏絕倫  
讀書十行並下文不屬草風發泉湧下筆有神年十六入  
泮試輒高等中年偶墮階傷足遂絕意進取閉戶著書二  
十餘年經經緯史恥為風雲月露之詞尤沈浸宋五子書  
而掇其精粹著有周易精義十二卷四書集粹八十四卷  
大事類紀綱目百八十卷彞敘錄三百卷昭明文選集解  
五十卷稿藏數櫃其子舉人之駿謹守之

皖學編

卷十二 國朝

十

正十卷... 大車... 而... 十... 高... 文... 日... 與... 去... 日... 題

先生名震字東原休甯人生十歲始能言讀書過目不忘  
每一字必求其義得許氏說文解字大好之遂盡通十三  
經注疏能全舉其辭嘗曰經以載道所以明道者辭也所  
以成辭者字也學者當由字以通其辭由辭以通其道有  
志聞道而譏訓詁之學是猶度江河而棄舟楫也時婺源  
江慎修先生永治經稱大師先生年二十以所學就正慎  
修驚異之齊侍郎召南見所作考工記圖曰奇書也以諸  
生挾策入都一時館閣通人如紀文達公昉王學士鳴盛  
錢詹事大昕王侍郎昶朱學士筠皆折節定交遂館於紀

皖學編

卷十二

國朝

十一

氏作勾股割圓記秦文恭公蕙田延致之與講觀象授時  
之學五禮通考中全載其勾股割圓記以集古今算法之  
大全尋館王文肅公安國家公子念孫從受學能得其傳  
南歸識惠松厓棟於揚州適廬抱經文弢爲運使校刊大  
戴禮先生數指其譌又遺書與任子田大椿論禮經舉乾  
隆二十七年鄉試朱文正公珪雅善先生爲山西布政使  
聘修汾州府志及汾陽縣志考正舊志之譌甚多三十八  
年四庫館開徵海內淹貫之士司編校總裁于文襄公敏  
中以先生薦遂以舉人人特召充纂修官首校水經注別  
經於注正唐以來經注混淆之失

高廟褒嘉御製詩冠首四十年 特命與會試中式者一體殿試 賜同進士出身授庶吉士先生起自孤寒以文學爲 天子所知出入著作之庭館中有奇文疑義輒就咨訪先生爲考究顛末各得其意以去晨夕討論靡間寒暑竟以積勞致疾卒於官時四十二年夏五月也歿後十餘年一日

高宗校刊石經 命小璫問南書房諸臣戴震尙在否對曰已死 上歎息久之先生所校定官書自水經注外曰周髀算經孫子算經張邱建算經夏侯陽算經五曹算經海島算經五經算術九章算術儀禮釋宮儀禮識誤儀禮

皖學編

卷十二 國朝

十一

集釋項氏家說蒙齊中庸講義大戴禮揚子方言皆能正其闕誤所自著書於歷算則有勾股割圓記三卷策算一卷原象一卷續天文略二卷歷問一卷古歷考二卷迎日推策記一篇於小學則有聲韻考四卷聲類表十卷方言疏證十三卷六書論三卷爾雅文字考十卷於經義則有原善三卷孟子字義疏證三卷考工記圖二卷毛鄭詩考正四卷考正鄭氏詩譜一卷果溪詩經補注二卷大學補注一卷儀禮考正一卷又有屈原賦注九卷水地記一卷文集十卷孔莊谷繼涵爲刊戴氏遺書弟子段懋堂玉裁復刊之先生無他嗜好惟專力於讀書雖詞義鉤棘難曉

者一再讀之輒渙然冰釋旁觀驚爲宿悟其學長於考辨  
每得一義初若創獲及參互考之確不可易璿璣玉衡爲  
古觀天之器久失其傳先生神悟於二千年後令巧匠爲  
之且詳其制於原象篇所繪地圖尤精核 國朝言地理  
者有顧景范顧亭林閻百詩胡朏明黃子鴻趙東潛錢竹  
汀諸家皆以郡縣爲主而求山川先生則以山川爲主而  
求郡縣故精審能出其上江都汪容甫中介特士也於時  
彥少所許可獨服膺於先生謂 國朝經學自亭林始開  
其端河洛圖書至胡氏而紉中西推步至梅氏而精力闢  
古文者閻氏也專治漢易者惠氏也及東原出而集大成  
焉

皖學編

卷十二 國朝

十三

先生名鼎字姬傳一字夢穀號惜抱桐城人少家貧體羸多病而嗜學世父薑塢先生嘗問其志對曰義理考證詞章闕一不可遂自以經學授先生而令受古文法於劉海峯乾隆二十八年成進士選庶吉士散館授禮部主事權刑部郎中典山東湖南鄉試又分校會試得士稱盛四庫館開劉文正公統勳及朱學士筠薦先生爲纂修官時非翰林與纂修者八人惟先生最知名于文襄公敏中雅重先生欲令出門下謝不往書成當議遷官文正且以御史薦記名矣而文正薨先生乃乞養歸梁文恭公國治屬所

皖學編卷十二 國朝

十四

親語先生曰若出吾當特薦婉謝之當是時學者多尙新奇厭薄宋元以來儒者詆爲空疏掊擊不遺餘力先生獨反復辨論言讀書者求有益於身心也程子以記史書爲玩物喪志今日爲漢學者以摻殘舉碎人所罕見者爲功玩物不尤甚耶翁覃溪學士嘗乞言先生曰諸君皆欲讀人間未見書某則願讀人所嘗見書耳先生蓋見國家右文之治遠軼前代而洛閩義理之學尤有關於世道人心願學不博不足以述古言無文不足以行遠孤生俗儒守其陋說屏傳註不觀固可厭薄而矯矯者乃專以攷訂名物象數爲實學於身心性命之說則目爲空疏無據其

文章之士又喜選才氣茂理法以講學爲迂是皆不免於偏蔽思所以正之則必破門戶敦實踐倡明道義維持雅正乃著九經說以通義理考據之郵撰古文辭類纂以盡古今文體之變選五七言詩以明振雅祛俗之旨集中贈錢獻之序與魯賓之論文諸書皆其宗旨所在也袁簡齋枚負詞章名好非毀宋儒先生遺之書曰儒者生程朱後得程朱以明孔孟之旨程朱猶吾父師也言或有失吾豈必曲從之卽程朱亦豈不欲後人爲論而正之但正之可也正之而詆毀之訕笑之是詆訕父師也且其人生平不能行程朱之行而乃欲與程朱爭名安得不爲天所惡乎

院學編

卷十二

國朝

五

紀文達公昉撰四庫書目頗詆宋儒先生直其妄先生貌清臞神采秀逸澹榮利有超世之志王蘭泉稱其藹然孝弟有古大儒氣象里居四十年厯主梅花鍾山紫陽敬教諸書院講席士以得及門爲幸與人言終日不忤而不可以鄙私干有來問必竭意告之汲引才儁如不及雖學術與之異趣者皆親服而文名九重天下禮恭親王薨遺教必得姚某爲家傳新城魯絜非以文名江右始受學建甯朱梅崖梅崖於當世之文少許可獨心折先生絜非乃渡江造訪使其甥陳用光等問業焉自望溪方氏以文章稱海內上接震川推文家正軌劉海峯繼之先生親問法於

海峯然自以所得爲文不盡用海峯法也論者謂望溪之  
文恆以理勝海峯以才勝學或不及先生則理與文兼至  
三君皆籍桐城故世稱桐城派云然先生虛懷善取在揚  
州與歛吳殿麟居最久有所作以示殿麟殿麟所不可輒  
竄易至數四必得當乃已殿麟名定亦海峯弟子也嘗語  
陳君用光曰先生爲文尙如是其爲學可知矣嘉慶十五  
年重赴鹿鳴筵宴詔加四品銜二十年九月卒於鍾山  
年八十有五所著書除九經說十九卷古文辭類纂四十  
八卷今體詩鈔十六卷外尙有三傳補注三卷老子章義  
一卷莊子章義十卷惜抱軒文集十六卷文後集十二卷

皖學

編

卷十二

國朝

七

詩集十卷書錄四卷法帖題跋一卷筆記十卷又所修廬  
州府志江甯府志六安州志皆鏤板行世從孫瑩字石甫  
薑塢先生曾孫也起進士官福建知縣游擢臺灣道道光  
二十二年坐夷務被誣陷逮下詔獄凡十有二日而事白  
復起四川蓬州牧官至湖南按察使工詩古文留心經世  
學遇事激昂奮發銳欲有所爲著東槎紀略五卷康輜紀  
行十六卷寸陰叢錄四卷識小錄八卷東溟文集二十六  
卷詩集二十卷

文苑以賦類新峯以水滸學短不又去坐恨野與文兼  
將峯然自以視詩爲文不盡用新峯法也論者謂望溪之

先生名翻飛字震卿號一齋桐城人天資純粹弱冠讀四書章句集註卽慨然曰正途在是學者舍是而入旁蹊烏足以爲學耶於是研窮六經暨宋儒書渙然有得以居敬爲本以省察爲功以實踐爲要潛思力行屢絀於省試不以爲意乾隆初有司將舉以應制科謝不往屢主吳中講席與楊孝廉方達雷副憲鉉論學相友善教人明體達用反復詳切士多興起平生事親盡孝喪祭盡誠敬安貧樂道有故舊欲餽之見而不能言以退廬墓時巡撫潘公思渠式廬請見以疾辭著有讀易錄禹貢初輯湖齋筆記詩

皖學

編

卷十二

國朝

七

文鈔共若干卷宗人有以經學著稱於先生稍晚出而齊名者爲馬器之宗樵宗樵字魯陳器之其別號也少從舅姚姬傳學早有時譽尤精訓詁及地理學舉乾隆五十一年鄉試解論語過位升堂合於古訓朱文正公珪亟稱之入都與邵學士晉涵任侍御大椿王觀察念孫質疑問難所學益進嘉慶六年成進士逾歲卒所著左傳補註博徵漢晉諸儒之說擇善而從不苟同異論者謂足與顧亭林惠松厓兩家補注稱鼎足此外尙著有毛鄭詩訓詁考證周禮鄭注疏證說文字義廣證戰國策地理考漢南海鬱林蒼梧合浦四郡沿革考校經堂詩鈔凡若干卷

金檠齋先生榜

先生名榜字輔之一字藥中號檠齋歙人婺源江慎修先生高弟子也與休甯戴東原友善師友切磋學具根柢才華爲天下望乾隆三十年

高宗南巡召試賜舉人授內閣中書軍機處行走三十七年成一甲一名進士授修撰秉性恬淡以疾乞歸家居不復出讀書常至丙夜以盡油一盞爲率因自號檠齋寢饋六經尤精三禮學宗鄭康成而病賈公彥孔穎達不能補其疏漏宣其奧密乃博采舊聞摭秘擷要著禮箋十卷復刺取其大者數十事爲二卷寄大興朱文正公珪文正序

皖學編

卷十二

國朝

六

而行之稱爲辭精義覈先生雖尊康成之學然於鄭義有未協者必糾舉之於鄭氏家法不敢誣也易主虞氏又注虞氏易一書足成之爲一家言

洪初堂先生榜

附弟梧

族子瑩

十五

各篇

先生名榜字汝登一字初堂歙人乾隆乙酉拔貢與兄樸同應召試兄授中書而先生未遇時梁文定公國治督學安徽特賞異之遂從文定游舉乾隆三十三年鄉試四十年應天津召試冠其伍授內閣中書少與同郡戴東原金槃齋交粹於經學因鄭康成易贊作述贊二卷又著明象未成書其解周易詁訓本兩漢行文類先秦又撰四聲韻和表五表示兒切語一卷先是江慎修先生切字六百十有六是書增補百三十九字又以子母見溪等字注於廣韻之目每字之上以定喉吻舌齒唇五音蓋其書

皖學編

卷十二

國朝

九

宗江戴二家之說而加詳焉又著周易古義錄書經釋典詩經古義錄詩經釋典儀禮十七篇書後春秋公羊傳例論語古義錄初堂讀書記初堂隨筆許氏經義諸書初留心奇遁之術後以其術近怪病中舉所著火之惟新安大好紀麗久刊行生平律身以正孝友著於鄉學最服膺戴氏戴氏作孟子字義疏證讀者不能通其義先生稱其有功於六經孔孟之言甚大使後之學者無馳心於高妙而明察於人倫庶物間必自戴氏始也撰東原行狀載其與彭尺木書朱竹君謂可不必載戴氏可傳者不止此先生上書論之詞甚辨弟梧字桐生乾隆四十五年召試舉

人授中書五十五年成進士由編修官沂州知府博通古  
今工詞翰亦窳於經學族子瑩字賓華嘉慶二年以一甲  
一名進士 賜及第授修撰淡於仕進五經皆有撰述

院學編卷十二 國朝

三

一名進士 賜及第授修撰淡於仕進五經皆有撰述

今工詞翰亦窳於經學族子瑩字賓華嘉慶二年以一甲  
人對中書五十五年成進士由編修官沂州知府博通古

程易疇先生瑤田 附汪龍 汪萊 羅永符

先生名瑤田字易疇歙人幼質魯讀書百遍或不能成誦然好深沈之思學於慎修江氏篤志窮經九應鄉試始中乾隆三十五年舉人選授太倉州學正以身率教廉潔自持告歸之日錢竹汀王西莊皆贈詩推重至與平湖陸清獻並稱嘉慶元年舉孝廉方正阮文達公元時爲浙撫聘修杭州府學樂器攷多所參訂平生以著述爲事其學長於涵泳經文得其真解不屑依傍傳注所著曰喪服足徵記宗法小記溝洫疆里小記禹貢三江考九穀考磬折古義水地小記解字小記聲律小記考工創物小記釋草釋

皖學編

卷十二 國朝

五

蟲小記說多主漢學而不苟同年老目盲猶口授孫輩成琴音記當時治經者咸推服東原戴氏自謂尙遜其精密同邑學者有汪蟄泉汪孝嬰羅子信皆以經術名蟄泉名龍乾隆五十一年舉人著毛詩申成毛詩異義孝嬰名萊以優貢薦修國史天文志官石埭訓導十三經注疏能背誦如流水而又能心通其義有問者觸類旁通無窒礙尤善歷算通中西術著衡齋算學行世子信名永符嘉慶十六年進士選庶吉士善讀書通經史工詩古文時推爲疏儁奇士皆歛人

先生名廷堪字次仲一字仲子歛人從父遷於海州板浦場因家焉六歲而孤年十二棄書學賈偶讀唐詩選本及詞綜遂能詩詞見者異之家貧游揚州爲華氏贅壻此時運使置詞曲館檢校詞曲中字句違礙者先生從事校讐得修脯以自給由是精於南北曲並通樂律年二十五始復讀書懼時過難成也著辨志賦以見志因事入都翁覃溪方綱見所作文特賞識令受業於門乃究心經史之學以副貢聯捷成乾隆五十五年進士出朱文正珪王文端杰之門例選知縣以母老改就教銓授甯國教授迎母至

皖學編 卷十二 國朝

學署先意承志母歿哀毀青一目妻亦相繼卒孑然一身以著述自娛阮文達公元爲浙江巡撫延課其子後疾終於歛年五十五先生生有異稟讀書十行俱下慕其鄉江慎修戴東原之學於禮經用力最深嘗謂儀禮十七篇委曲繁重不得其經緯塗徑雖上哲亦苦其難苟得之中材可勉赴焉經緯塗徑之謂何例而已矣於是取自著禮經釋名一書改名釋例區爲八類曰通例飲食例賓客例射例變例祭例器服例雜例共爲卷十三又因儀禮第十一篇自漢以來說者雖多不明尊尊之旨故罕得經意乃爲封建尊尊服制考一卷附於變例之後不別立宮室例者

以未李如圭等已詳故也矻矻十餘年稿凡數易而後成書後阮文達爲刻於杭州禮經而外復潛心於樂謂今世俗樂與古雅樂中隔唐人燕樂一關蔡季通鄭世子輩俱未之知因著燕樂考原六卷明今日用字譜而成調卽古樂之用五聲二變而成音江鄭堂稱其思通鬼神先生讀書破萬卷於聲音訓詁九章八綫皆造其極而抉其奧於史則大事本末地理官制沿革及元史姓氏有問者從容應答如數家珍爲文尤工駢體所作九慰七戒兩晉辨亡論十六國名臣序贊諸篇上擬騷選鄉射五物考九拜解九祭解釋牲詩楚茨考旅酬下爲上解諸篇皆說經之文

皖學編

卷十二

國朝

三


發古人所未發其尤卓然可傳者則有復禮三篇大旨謂克已復禮爲仁禮者所雅言者也仁者所罕言者也顏淵大賢而孔子告之爲仁者惟禮知仁不能舍禮但求諸理也讀聖人書者必舍其所雅言之禮而事事附會於所未言之理是果聖人之意耶先生此論蓋與張蒿庵中庸論皆古今絕識大有功於聖學者也門人張其錦字襲伯宣城廩生於先生歿後徒步至歙訪先生未刻書無所得北走海州於敗簾中攜拾殘稿假居僧寺輯錄以歸得校禮堂文集三十六卷詩集十四卷梅邊吹笛譜二卷充渠新書二卷元遺山年譜魏書音義及劄記若干卷謀刊行世

可謂不負師門者矣

皖學編

卷十一 國朝

十四



可謂不負師門者矣

先生名德鉞字崇義號萃齋懷甯人少健於文從舅氏楊家洙學又師事潛山張必剛生平篤好宋儒書積學砥行一以程朱爲法時有培擊宋儒者先生大聲疾呼斥爲無忌憚日與相牴牾每稱說古今人物至夜分娓娓不倦急朋友難不惜身犯患苦爲拯全之遇人有過面加責讓後雖悔終不能改蓋天性然也登嘉慶元年進士選庶吉士改禮部主事升員外郎保薦御史充會典館總纂以諱字被議奪職閉戶讀書日有劄記書懲忿窒欲四字自治益力雖夢寐中有不合義者必記以自責兩上朱文正公珪

皖學編

卷十二 國朝

三

書皆古大臣義文正甚重之著有七經及論語大學偶記十餘卷語錄四卷子史偶筆家訓女範詩古文各二卷又有周易集成論語講義詩經文字異同考三國志補注散佚不全楊家洙字東川懷甯歲貢窮究經義尤深於易著西樓易說十八卷旣成作書致其友江濬源謂講章行而六經晦易與春秋尤甚今易說成書庶幾闡其歸趣正其舛謬補程朱之所未備家貧未梓歿後濬源稍爲裁節欲付刊亦未果士林惜之張必剛字健夫乾隆七年進士官澄邁縣知縣告歸鍵戶著述有三禮會通二卷其郊社辨謂不與圓丘方澤混據郊特牲周禮以證鄭康成之是王

肅之非其說最確又有濬元書十六卷子綱能世其學著  
有古學發微偶編

皖學編

卷十二

國朝

三

自古學發微偶編

肅之非其說最確又有濬元書十六卷子綱能世其學著

石聿臻先生葆元 附子廣均 汪桂月

先生名葆元字聿臻宿松人以進士授編修典貴州鄉試  
乞養歸父卒遂不復出生平秉禮自持無妄言戲動嘗謂  
居處恭執事敬與人忠三語終身受用不盡著有清貽館  
遺稿詩古文辭力歸醇正子廣均字方墀幼承庭訓又受  
學於同里汪養圃以聖賢之道相助成道光六年進士授  
主事乞養歸居憂哀毀盡禮尤以繼志為孝興辦地方義  
舉費萬金不惜治家整肅一言動皆足為法擷性理諸書  
之精粹著內認齋隨錄人譜詩箴亦圃遺集亦圃詩鈔汪  
養圃名桂月以貢生舉孝廉方正所學以守身為本及物  
為用實能踐履之著有養圃隨筆亦寄齋文存攄抱軒詩  
鈔三人皆卒祀鄉賢

皖學編 卷十三 國朝

一

舉費萬金不惜治家整肅一言動皆足為法擷性理諸書  
之精粹著內認齋隨錄人譜詩箴亦圃遺集亦圃詩鈔汪  
養圃名桂月以貢生舉孝廉方正所學以守身為本及物  
為用實能踐履之著有養圃隨筆亦寄齋文存攄抱軒詩  
鈔三人皆卒祀鄉賢  
主事乞養歸居憂哀毀盡禮尤以繼志為孝興辦地方義  
舉費萬金不惜治家整肅一言動皆足為法擷性理諸書  
之精粹著內認齋隨錄人譜詩箴亦圃遺集亦圃詩鈔汪  
養圃名桂月以貢生舉孝廉方正所學以守身為本及物  
為用實能踐履之著有養圃隨筆亦寄齋文存攄抱軒詩  
鈔三人皆卒祀鄉賢  
主事乞養歸居憂哀毀盡禮尤以繼志為孝興辦地方義  
舉費萬金不惜治家整肅一言動皆足為法擷性理諸書  
之精粹著內認齋隨錄人譜詩箴亦圃遺集亦圃詩鈔汪  
養圃名桂月以貢生舉孝廉方正所學以守身為本及物  
為用實能踐履之著有養圃隨筆亦寄齋文存攄抱軒詩  
鈔三人皆卒祀鄉賢

石聿臻先生葆元

附子廣均

汪桂月

許玉峯先生鼎

先生名鼎字子秀號玉峯晚年更名魯桐城人父懋昭篤孝力行潛研經術學者稱東山先生先生爲東山季子幼有卓識讀書金滕篇卽能辨注疏謬誤長工詩善書能文章東山慮其流爲名士授以薛文清讀書錄由是奮然有求道志年三十棄舉子業朝夕兀坐一齋俯讀仰思語默動靜必中矩矧雖處極困無所撓其志嘗書元儒清苦守節卓然自樹於流俗之外二語於坐側置陋室纂鈔一編於漢唐宋明碩儒名臣論學論政切要者必錄之著正志錄正學錄以自抒其心之所得友人方植之東樹稱爲純皖學編卷十三國朝

粹深通光明俊偉皆由本之躬行反身理會推見至隱學者讀其書玩其氣象不特由之可以入道亦可想見其爲人蓋先生之學以程朱爲宗深惡近世漢學詆誣宋儒至陸王之書則取其長而防其弊嘗言陽明以朱子格物窮理之旨爲非專以致良知爲教亦得魚忘筌耳陽明未謫龍場前物無不格理無不窮至是乃悟天下之理卽在吾心而以向之求理於事物者爲非不知理之全體統具於吾心而散殊於事物卽物窮理下學之功也悟天下之理卽在吾心上達之候也使未嘗窮事物之理亦安有此悟平陽明與念臺諸公雖講學與先儒牴牾然皆實有心得

其論不可盡從其行固皆可法其議論之純如此惜當正  
學久衰之後罕有樂從先生游者而先生之學無傳焉門  
人方宗誠爲狀其行誼最詳道光壬寅卒年六十有一

晚學編卷十三國朝

三

人方宗誠爲狀其行誼最詳道光壬寅卒年六十有一  
六論不可盡從其行固皆可法其議論之純如此惜當正

方儀衛先生東樹

先生名東樹字植之桐城人待廬先生曾孫父績縣學生著屈子正音鶴鳴集世稱展卿先生先生幼承家範長學於姚惜抱好爲深湛浩博之思四十以後不欲以詩文名世研極義理而最契朱子言每日雞鳴起至漏數十下始就寢嚴寒酷暑精進靡間枕上有疑披衣省覽觸事開悟註時日以記自天道治法物理人情修齊之教格致之方省察存養之旨諸儒學術之同異得失以逮說經考史詩文小學浮屠老子禪家之說罔不探賾抉微析非審是博而有要約而不疏嘗言立身爲學固以修德制行內全天

皖學

編

卷十三

國朝

四

理爲極而於人世事理亦必講明通貫以待用蓋天下無道外之物凡此皆吾性所應有也惟當知本末先後之次不可以玩物喪志失其大者遠者自乾嘉之間海內競言考證號曰漢學穿鑿破碎違失大道尤喜攻訐程朱高才碩士數十家遞相祖述間有心非之者而讀書未博入理未精終不敢昌明其失惜抱先生嘗著文辨之而其風未已先生懼乃著漢學商兌一書力闢之時阮文達公督粵方廣刻漢學書導世適先生授經幕府以書上之文達始不悟晚年乃致書稱先生經術文章信今傳後蓋自先生書行而漢學家詆誣程朱之風始漸熄矣先生又懼漢學

之變將爲空談性命不守孔子下學上達之敘豫爲辨道論以防其趨客游五十年晚歲家居終窶且艱益窮性命之歸克己盡分靡有厭倦謂儒者之弊在於講學者多求道者少思以道宏人者多能宏道者少是以天下皆言學而學之本日亡總之起於有我之私有我而萬過叢生矣年躋大耋神明不衰自言所學無時不有新益句容唐魯泉宰桐城雅重先生移任祁門延主東山書院門人文漢光廿紹盤從咸豐元年五月二十二日感微疾卒年八十八先生少補縣學生銳然有用世志凡禮樂兵刑河漕水利錢穀關市大經大法皆嘗究心曰此安民之實用也道德

皖學

編

卷十三

國朝

五

義理所以用此之權衡也然卒困諸生無所試每逢國  
家大事必爲遠慮與公卿交盡言無隱道光十一年桐城  
大水邑令弗加恤民大噪令遂以民變愬大府將調兵先  
生在撫軍鄧公幕急以身家保撫軍素敬信事得寢十八  
年容粵時大臣請厲禁洋烟下督撫議先生著匡民正俗  
對陳所以禁之之道勸制軍鄧公覆奏不能從嘗取蘧伯  
玉五十知非衛武公耄而好學之意以儀衛名軒故學者  
稱儀衛先生所著書已刻者曰漢學商兌書林揚觶一得  
拳膺錄思適居鈴語病榻罪言半字集考盤集山天衣聞  
考正感應篇暢隱未刻者曰待定錄進修譜未能錄大意

尊聞最後微言老子章義陰符經解文集昭昧詹言凡百  
餘卷

皖學編

卷十三 國朝

六



聖朝景錄始言老子章義陰符經解文集昭昧詹言凡百

吳竹如先生

先生名廷棟字竹如六安州霍山人以道光己酉科拔貢授刑部七品小京官歷俸升郎中簡保定府知府洊升山東布政使內召爲大理寺卿擢戶部侍郎乞疾歸僑寓金陵久之卒先生天性嚴毅爲學篤守程朱時當道咸末際士大夫多崇尚圓通習爲諧媚鮮有以砥節礪名爲重者道學二字不但諱而不敢言且相指以爲詬病先生獨悍然不顧自爲郎官卽與唐鏡海先生鑑及倭文端公仁偕道京師講絕學於舉世不講之日著拙修集十卷與先儒性理之書多所發明以是

皖學編

卷十三 國朝

七

文宗顯皇帝嘗問廷臣中留心理學爲誰而祁文端公寯藻首以倭文端公及先生名對遂有吳廷棟學問結實之論而先生以剛正受主知早於前召對時已心契之矣先是先生總辦秋審處時崇文門監督奏獲私酒三十六家交部訊先生究出監督家人詐贓狀先行具奏奉硃批嚴斥會以京察蒙召見因陳長興店非崇文門管轄既非私酒何爲漏稅其人無罪可科而家人詐贓應按例懲辦卒照原擬奏結咸豐初戶部鑄當十大錢行銷壅滯有旨下直督錢糧內准收三成不則以枉法贓論會先生以東藩陛見因歷陳大錢窒礙難行官民交病



余黼山先生龍光

先生名龍光字黼山婺源人汪雙池弟子元遜之孫也道光十五年舉人官江蘇婁縣知縣署崑山捐廉賑水災多所全活署元和勸增豐備倉田八千餘畝署青浦邑故有至聖衣冠墓援案請給奉祀生並勸捐田畝爲祭掃費又倡庭聞書院嘉惠士林擒治匪類徐濼論如律閭閻得以安堵旋以續緝匪黨周立春未獲罷歸閉戶著書博聞強識早歲喜讀陽明書後乃淵源家學潛心朱子之書以居敬窮理力行爲宗旨著有廣唐書三十卷朱子祠祀考元明儒學正宗錄表章儒碩錄各二卷吳康齋學案汪仁

皖學編

卷十三 國朝

九

峰學案各一卷仁峰年譜二卷汪雙池年譜四卷經學管窺六卷文集二十四卷詩集七卷外集六卷又有溫故一得學古彙鈔短檠餘墨讀史劄記枌榆雜述忸存稿拙翁家訓論文彙語八種都六十三卷

余黼山先生龍光

楊樸菴先生摛藻

先生名摛藻字錦園號樸庵石埭人家貧好學性至孝父以廩保失察應試生削籍先生益感奮切顯揚道光十七年舉於鄉聯捷成進士授刑部主事迎父就養京師七載因兄弟叔姪十數輩咸留里父日念之而京官艱窘不克借入都遂乞歸養旋丁父憂有賫厚幣乞先生文爲母壽者謝曰居喪大事一日未除敢與聞外事乎又有以多金求爲親點木主者亦不往粵匪據金陵督辦皖南軍務張副憲芾檄先生治五邑團防衛鄉里數有功屢欲疏薦辭不受曰焉有一邑之事衆人爲其實而一人尸其名者久

皖學編

卷十三

國朝

十

之始保升員外郎曾文正公又特疏加四品卿銜皆俟得請後乃使知其不苟如此先生爲時文高古奇縱守成宏正嘉義法鎔鑄以成其體於聖賢經傳本意得之爲深在京負重名從游者後多貴顯勝大臣保嘗受業及柄兵故舊子弟多依以得官先生獨絕不與通時其來書答之惟勉以忠孝大節且曰人誠敬則智勇生縱肆則禍敗應宜夙夜祇懼毋負君恩勝不能用以至於敗歷主講皖南北書院於諸生必策以學行謂文特游藝之一耳且取魯論要義爲學則曰行已有恥學之始基也言忠信行篤敬學之實際也居處恭執事敬與人忠學之內外交修也論者

以先生不立講學名而躬允蹈之咸豐末文正延至安慶  
總理忠義局務時皖南被兵久饑饉甚親故有避難來者  
創廬舍數十百所居之捐館穀以資接濟存活無算同治  
二年卒年六十有四遺命子孫毋越義取利毋使氣凌人  
毋干預分外事歿後贈光祿寺卿銜廕子知縣祀鄉賢祠  
所著有兵事論言時事書在敬修堂古文集中

皖學編卷十三國朝

十一

通善百兵事論言時事書在敬修堂古文集中

與于財仗仗事與翁韻此類寺職論于於淵源感

平卒年六十有四遺命子孫毋越義取利毋使氣凌人

餘廬舍數十百所居之捐館穀以資接濟存活無算

餘壁忠義祠祭祀如前類是入廟身雖始首錄

以文正不立講學名而躬允蹈之咸豐末文正延至安慶

蘇厚子先生惇元 附子求敬

先生名惇元字厚子桐城人少失怙客游養母母卒哀禮  
交致喪葬祭祀必精攷禮經國制爲安厝錄家祭約儀宗  
祠規儀其後廣之爲四禮從宜一書修於家乾嘉間海內  
學者以博綜爲能號曰漢學力毀程朱獨耆儒方植之東  
樹著漢學商兌明辨之先生年三十卽心好朱子學名其  
堂曰儀宋復事方植之博攷儒先之言凡少異程朱者皆  
不取最後好張楊園先生書以爲自宋以來得朱子眞傳  
者西山魯齋敬軒敬齋整菴當湖外楊園書純正平實介  
乎諸儒之間而親切精詳殆尤過之經學文章宗方望溪

皖學編

卷十三

國朝

三

侍郎謂學不足以修己治人則學爲無用文不足以明道  
析理則文爲虛浮有行而無學其行無本有學行而無文  
章則無以載道而行遠惟望溪能合韓歐程朱爲一人於  
是編訂張楊園方望溪兩先生年譜以奉爲圭臬先生性  
嚴正家貧甚一介不妄取與嘗佐治粵東有關吏持重金  
屬爲請事力拒之里居值道光戊申己酉水災助知縣籌  
辦賑濟鄉里咸得實惠嘗慨天下政事之美敝風俗之純  
澆士習之浮實皆由學術之邪正學術正則能陶成人材  
取德行之士以任官爲政則教化端而風俗醇後世棄本  
取末故弊不可勝述著有選舉私議雖不可盡行要以務

實學求實用爲本道光三十年詔舉孝廉方正里人以先  
生應固辭不就論者以是科惟先生不愧云咸豐七年卒  
年五十有七所著又有遜敏錄欽齋劄記課蒙津指及文  
集詩稿藏於家子求敬字懋甫邑諸生篤孝純謹以哀毀  
成疾卒著有詩經序傳擇參書紳錄愧學錄復菴詩文鈔  
澄園日記

皖學編

卷十三 國朝

三

朱魯岑先生道文

先生名道文字魯岑桐城人幼英敏以經濟自負凡天下利病及輿地險要必一一窮其原委補諸生屢應鄉試不售遂棄舉子業專肆力於學邑中士大夫爲外官者知其賢嘗延入幕因獲遍歷嶺南江右及秦楚諸山水名勝憂深慮遠往往於詩歌中發之母趙年九十餘先生亦老矣侍養不復遠出咸豐三年粵匪陷桐城家屬遇害先生以母病不忍去罵賊被創絕而復蘇猶奉母二十餘日終其天年家益貧日不再食終不受人非義財少好老莊之書晚年以濂洛爲宗兼取金溪姚江不執一隅之見臨沒猶皖學編卷十三國朝

十四

卷

諄諄以讀書窮理務爲明體達用之學勛從游者年七十有三生平所著詩易俱有成書詩文數十卷城陷盡失門人蕭敬孚穆菟輯避亂數年之作合前殘稿編爲遺集十



先生名焜字心伯當塗人父鑾字德音以優貢教習知縣改選徽州府訓導先後在任十四年訓士極嚴有屈辱必爲直之嘗謂士習當整頓士氣亦當培養也生平嗜程朱之書專務躬行不輕著作府有兩紫陽書院久廢弛爲清積弊裕膏火又每歲與同官捐施棉衣給貧者在家居置義田義倉士民咸德之先生幼承庭訓服膺朱子以平湖陸氏之學爲歸由舉人官吳江教諭改婺源教諭粵匪倡亂東南江皖糜亂婺源爲朱子廬墓之鄉士多恪守舊聞素明禮義地鄰江浙形勢攸關先生聞左文襄公宗棠督皖學編卷十三國朝

師援浙馳書告警星夜赴援幸免蹂躪自是文襄延先生入幕代籌軍食師得宿飽入浙後餉源中斷先生復遣生徒四出書券乞銀米餉軍比杭州克復又舉兩浙形勢用兵次第以告文襄所向克捷蓋先生未達時從阮文達公視學浙江及官浙撫平海寇先生均襄事幕中故於浙中山川險要瞭如指掌所言多協機宜也積資升潁州府教授積功保內閣中書加四品卿銜先生雖往來兵間而著書不輟有景紫堂全集十七種同治七年門人胡侍郎肇智以所繹

聖諭十六條附律易解暨所撰檀弓辨誣三卷述朱質疑

十六卷進呈奉 旨獎其年屆耄耄篤學不倦且 論該

員所輯附律易解深得周官與民讀法遺意用於講約甚有裨益著武英殿刊刻頒發餘二書亦均有發明著留覽光緒五年文襄復以先生學有經術通知時勢志節可傳奏乞宣付史館立傳奉 旨俞允於以見先生通經致用學有本源非空談性理者可比也景紫堂文集外別有儒林亦政編二冊爲及門所訂弟炯字卯生兄弟互相師友治諸經注疏旁及六書音韻嘗著禮志屬草未定居父喪乃體玩宋元明以來諸大儒書發旨趣辨誣謬粹然一軌於正其於經世之學如選法河務鹽政諸議論者皆躋之

皖 學 編 卷十三 國朝

七

有夏仲子集行世

有夏仲子集行世 卷十三 國朝 七

先生楊仲乾先生德亨

卷之六

先生名德亨字仲乾石埭人恩貢生候選教諭生性孝友事親不離左右有弟設肆丹陽負債甚鉅慮親知躬往代而令弟歸養五年盡償所負家益起仍歸侍養成豐二年粵匪圍長沙先生知皖南爲兵衝亂將至盡歛生產散千金與族黨爲避亂計賊入皖遂避地江西之餘千雖顛沛流離而篤學不懈初喜讀陽明王氏二曲李氏書繼念時艱又讀籌海圖編以求明體達用之學會文正公時督兩江以延攬賢豪爲務先生上書文正謂當整頓學術爲撥亂反治之本文正特重之延至安慶遇事咨訪先生感激

皖學編

卷十三

國朝

六

知遇知無不言惟泊然寡營不求宦達文正雖欲授以官不得也久之讀近儒羅忠節公澤南倭文端公仁吳侍郎廷棟書喟然曰此學問正脈也吾當反而求之程朱前此得毋尙近於張皇務外乎於是益切潛修不事表暴聞吳侍郎致仕寓金陵往謁之一見曰眞純儒也遂盡棄舊所學日取近思錄朝夕請益不少懈時年已六十四矣文正聞而歎曰勇徹臬比張橫渠豈能過哉數年文正及吳侍郎相繼薨先生乃去之蕪湖初居安慶時日一飯一糜夏無帷幕刻己以濟三族之窮者至是復獨力修宗祠爲近支主婚嫁喪葬之無力者孝友慈仁可爲鄉里法式卒年

七十有二所著書曰尙志居集八卷補遺一卷讀書記四  
卷行世其讀籌海圖編拙語藏於家

皖學編卷十三國朝

九

卷十三其讀籌海圖編拙語藏於家

七十有二所著書曰尙志居集八卷補遺一卷讀書記四

方柏堂先生宗誠

先生名宗誠字存之號柏堂儀衛先生三從堂弟也少家貧獨有偉志日取賈太傅疏及唐宋諸家文誦讀茅屋中邑先達耆宿皆願與交高談無所讓屈始受學許玉峯魯繼事儀衛徧覽宋元後儒家之言發爲古文辭粵寇起避居魯泲不廢講習著俟命錄以究天時人事致亂之原與士夫行已立身所由弭變者大要歸於植綱常明正學興起人才以效用當世霍山吳竹如侍郎開府山東得其書至貽書倭文端錄要以進 經筵先生既交侍郎譽望益

皖

學編

卷十三 國朝

三

傳誦曾文正來安慶召修兩江忠義錄遂奏辟補直隸棗強令爲治十年表彰潛德以正風俗設鄉塾興敬義書院祠漢董子刻邑先正遺著修志乘建義倉儲穀萬石事無不舉值今爵相李公鴻章督直至不以屬吏待所請率破格行秩滿告歸東南大府使幣日至皆謝不就益厲精於學著述不輟爲文依理道主於辭達人有片長一善獎譽之不容口生平喜展謁名賢祠墓彭剛直公玉麟嘗招游石鐘匡廬並立江干劇談皆修髯洪聲人欽其風采光緒十三年年七十一皖學使者貴公恆上先生學行於朝得旨給五品卿銜是年卒所著經說都三十三卷柏堂

集九十二卷侯命錄志學錄讀書筆記講義合三十五卷  
他所選及編訂者尙數十種

皖學編 卷十三 國朝

三

卷十三 國朝

卷九十二 侯命錄志學錄讀書筆記講義合三十五卷

先生名艾字虎臣又字勿齋石埭人生有異質七歲從祖似廷讀書近村塾中日逾千字九歲有神童之目十六歲補縣學生應道光己酉拔萃科得選明年朝考報罷因館於京師陳壽卿侍郎家癸丑亂作南旋初先生常設教於本邑之陵陽山中學宗誠敬以小學爲入德之基其教人曰學者所以學爲人也修諸身見諸行事可以刑家可以範俗始不愧讀書二字又述程子語曰色利兩關打得開方是爲人小歇處名所居曰求放心齋從學者日衆至是生徒復往就之時粵匪肆亂江皖而石埭適當其衝一日

皖學編

卷十三 國朝

三

賊猝至先生方與生徒講學未輟賊訝之出語其侶曰此中一先生講書吾輩入師徒俱無懼容必有道者相戒勿犯而走告其酋酋異之將脅之入城授僞職先生聞之乃散徒舉家夜竄裹乾糗奉母而家人掘藜藿食之七晝夜達祁門時曾文正公國藩督師駐祁今相國李公鴻章佐其軍先生以舊好詣之縱談時事李公趨其議達於文正翌日謂先生曰君負經世學且有老母在堂胡不亟謀所以自見者而窮蹙若是會帥耳君名久曷見之先生曰此來以奉老母賊中無可爲計急切相就欲以縋縞累公耳他非所望也語未畢文正舉帷入曰何棄吾之甚耶因揖

就坐談言遂及當世文正堅欲延先生入幕固辭不可先生曰親年八十刻不願離辱公相厚請自今日以往日一晤談可乎文正佯許之及歸而采訪忠義之檄至矣先生捧以告母母喜始不復辭文正語人曰士至今日志氣委靡非忠義二字不足以振之陳某端人其取友必端采訪忠義藉以采訪人才也以故一時儒宿緣采訪入局先後興起者凡數十人克安慶列保縣令先生聞之三日不進謁強而後見曰大將軍甯不欲有揖客耶文正改容謝之圍金陵急闕軍食時李公已擢撫吳中屯海上文正以先生與李公厚浼使乞餉於漚至李公曰事非可倉卒辦請

皖學編

卷十三

國朝

五

留作三日談事集君自將去先生曰公允此天下之福也然某不勝德請別選能者送金陵蓋不欲居其功也既平金陵文正以江甯府具荐辭及李公權兩江荐尹揚州又力辭之文正再督兩江延掌鳳池書院復以親老辭不就文正歎曰斯人也屬之不能賓之不可其終爲吾老友矣平生性純孝母楊性仁慈好施與先生曲意承順偶失旨輒長跪請杖必怒息乃起雖賓客盈座聞母召立趨侍晨昏定省少壯老無一日缺母卒先生年已七十矣哀毀骨立三載未嘗見齒晚又自號悔翁益專萃其力於學踐履篤實以居敬爲宗居恒雖盛暑必正衣冠或靜坐斗室中

必恭肅無跛倚狀東南學者奉若山斗而不以講學名書  
法妙天下而爲人書輒三易紙缺然如不自勝卒年八十  
有七大江南北之士無論識與不識咸以先生抱經世之  
學而娛親以老不克展用於世爲之悼惜不置云

皖學編

卷十三

國朝

五

學而幾幾以吾不克展用於世爲之悼惜不置云

晉書大武南北之士無編籍與不編籍以武王討賊世之

感歎天下而爲人書輒三易紙缺然如不自勝卒年八十

必恭肅無跛倚狀東南學者奉若山斗而不以講學名書

